

## ԱՐՁԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

### ՈՐՈՇՈՒՄ

«\_\_\_» \_\_\_\_\_ 2018 թ.

№ \_\_\_\_-Ն

ք.Ստեփանակերտ

#### ԱՐՁԱԽԻ ՀԱՆՐԱՊԵՏՈՒԹՅՈՒՆՈՒՄ ԱՆԱՍՆԱՊԱՀՈՒԹՅԱՆ ԶԱՐԳԱՑՄԱՆ ԽԹԱՆՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ

Հիմք ընդունելով «Իրավական ակտերի մասին» Լեռնային Ղարաբաղի Հանրապետության օրենքի 13-րդ հոդվածը՝ Արցախի Հանրապետության կառավարությունը **ո բ ո շ ու մ է.**

1. Հաստատել Արցախի Հանրապետությունում անասնապահության զարգացման խթանման ծրագիրը (այսուհետ՝ Ծրագիր)՝ համաձայն հավելվածի:

2. Սահմանել, որ՝

1) Ծրագրի կատարման հսկողությունը վերապահվում է Արցախի Հանրապետության գյուղատնտեսության նախարարությանը (այսուհետ՝ նախարարություն).

2) Ծրագրի շրջանակներում իրականացվող միջոցառումների պատասխանատուներն են հանդիսանում Արցախի Հանրապետության շրջանների վարչակազմերը.

3) Նախարարությունը տնտեսական տարին ավարտելուց հետո՝ եռամսյա ժամկետում Արցախի Հանրապետության կառավարությունը է ներկայացնում հաշվետվություն՝ կատարած աշխատանքների և իրականացրած միջոցառումների մասին:

3. Սույն որոշումն ուժի մեջ է մտնում պաշտոնական իրապարակմանը հաջորդող օրվանից:

**«Հասդարում եմ»**

ԱՐՁԱԽԻ ՀԱՆՐԱՊԵՏՈՒԹՅԱՆ  
ՆԱԽԱԳԱՀ

**Բ.ՍԱՀԱԿՅԱՆ**

**ՀԱՄԱՅՆԵՑՄԱՆ ԹԵՐՁ  
ՈՐՈՇՄԱՆ ՆԱԽԱԳԻԾԸ ՀԱՄԱՅՆԵՑՎԱԾ Է՝**

<b>Հ/ Հ</b>	<b>ՇԱՀԱԳՐԳԻՌ ՊԵՏԱԿԱՆ ԿԱՌԱՎԱՐՄԱՆ ՄԱՐՄԻՆԸ</b>	<b>ՂԵԿԱՎԱՐԻ ԱԶԳԱՆՈՒՆԸ</b>	<b>ԱՏՈՐԱԳՐՈՒ- ԹՅՈՒՆԸ</b>	<b>ԹՎԱԳՐՈՒ- ՄԸ</b>
1.	ԱՀ ՊԵՏԱԿԱՆ ՆԱԽԱՐԱՐ	Գ. ՄԱՐՏԻՐՈՍՅԱՆ		
2.	ԱՀ ԱՐԴԱՐԱԴԱՏՈՒԹՅԱՆ ՆԱԽԱՐԱՐ	Ա. ԴԱՆԻԵԼՅԱՆ		
3.	ԱՀ ԷԿՈՆՈՄԻԿԱՅԻ ԵՎ ԱՐՏԱԴՐԱԿԱՆ ԵՆԹԱԿԱՌՈՒՅՎԱԾՔՆԵՐԻ ՆԱԽԱՐԱՐ	Լ. ԳՐԻԳՈՐՅԱՆ		
4.	ԱՀ ՔԱՂԱՔԱՇԽՆՈՒԹՅԱՆ ՆԱԽԱՐԱՐ	Կ. ՇԱՀՐԱՄԱՆՅԱՆ		
5.	ԱՀ ՖԻՆԱՆՍՆԵՐԻ ՆԱԽԱՐԱՐ	Ա. ՀԱՐՈՒԹՅՈՒՆՅԱՆ		
6.	ԱՀ ՆԱԽԱԳԱՀԻ ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ ԿԱՌԱՎԱՐՉՈՒԹՅԱՆ ՊԵՏ- ԱՇԽԱՏԱԿԱԶՄԻ ՂԵԿԱՎԱՐԻ ԱՌԱՋԻՆ ՏԵՂԱԿԱՆ	Ա. ԼԱԶԱՐՅԱՆ		

Առաջարկությունները և առարկությունները՝ \_\_\_\_\_

---



---



---



---



---



---

**Նախագիծը ներկայացնողը՝  
ԱՀ զյուղապնդեսության նախարար**

**Ժ. Միրզոյան**

«\_\_\_\_» \_\_\_\_\_ 2018 թ.

Հավելված

Արցախի Հանրապետության կառավարության  
2018 թվականի \_\_\_\_\_ -ի  
N \_\_\_\_ -Ն որոշման

**ԱՐՑԱԽԻ ՀԱՆՐԱՊԵՏՈՒԹՅԱՆ**

**ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅՈՒՆ**

**ԾՐԱԳԻՐ**

**ԱՐՑԱԽԻ ՀԱՆՐԱՊԵՏՈՒԹՅՈՒՆԻՄ ԱՆԱՍՆԱՊԱՀՈՒԹՅԱՆ ԶԱՐԳԱՑՄԱՆ**

**ԽԹԱՆՄԱՆ**

**ԱՏԵՓԱՆԱԿԵՐՏ - 2018 ԹՎԱԿԱՆ**

## ԲՈՎԱՆԴԱԿՈՒԹՅՈՒՆ

### ՆԵՐԱԾՈՒԹՅՈՒՆ

- I. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ
- II. ԾՐԱԳՐԻ ԻՐԱԿԱՆԱՑՄԱՆ ՈՒՂՂՎԱԾ ՄԻՋՈՑԱՌՈՒՄՆԵՐԸ
- III. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

## ՆԵՐԱԾՈՒԹՅՈՒՆ

Գյուղատնտեսական կենդանիների ընտելացումից անցել է ավելի քան 10 000 տարի: Պատմական այդ հսկայական ժամանակաշրջանում մարդկային հասարակությունն ապրել է իր զարգացման բոլոր ֆորմացիաները, հասել նյութական և հոգնոր մշակույթի ժամանակակից մակարդակին, բայց և այնպես, այսօր, ինչպես միշտ, նրա գոյության համար նյութական բարիքների ստացման հիմնական աղբյուրներից մեկը շարունակում է մնալ անասնապահությունը:

Ներկա պայմաններում յուրաքանչյուր երկրի բնակչության բարեկեցության մակարդակը զգալի չափով պայմանավորված է նրա սննդի հաշվեկշռում անասնապահական մթերքների տեսակարար կշռով:

Անասնապահության նշանակությունը ժողովրդական տնտեսությունում չի սպառվում արժեքավոր սննդամթերքների՝ մսի, կաթի, յուղի, ձվի և այլնի արտադրությամբ, շատ կարևոր է բարձրորակ հումքի՝ բրդի, կաշվի, մորթու և այլնի ստացումը, գյուղատնտեսական կենդանիների՝ իբրև բանող ուժի օգտագործումը և օրգանական պարարտանյութերի ստացումն ու օգտագործումը դաշտավարության և այգեպտղաբանջարանոցային մշակաբույսերի բերքատվության բարձրացման մեջ:

Անասնապահությունը հանդիսանում է աշխարհի բոլոր երկրների տնտեսության առավել կարևոր ճյուղերից մեկը: Անասնապահության զարգացման, անասնապահական առատ և անարատ մթերքների արտադրության խնդիրը և դրա լուծմամբ պայմանավորված անասնաբուծության զարգացումը միշտ էլ եղել է գյուղատնտեսության ոլորտում իրականացվող քաղաքականության գերակա ուղղություններից մեկը:

Անասնապահության զարգացման, մթերատվության բարձրացման գործում առանձնակի կարևորվում է առաջավոր տեխնոլոգիաների և գիտական փորձերի կիրառման դերը, ժամանակակից տեխնիկական և տեխնոլոգիական գինվածությունը:

Արցախի Հանրապետությունում անասնապահության զարգացման համար ոիսկեր են առաջացնում՝

- 1) ոչ հիգիենիկ կերերի օգտագործումը,
- 2) անասնաշենքերի անասնաբուծական հիգիենայի ոչ բավարար մակարդակը,
- 3) կենդանիների պահպածքի և խնամքի պայմանների խախտումները,
- 4) անասնաբուծական և անասնաբուծական միջոցառումների ժամանակին չիրականացնելը:

Արցախի Հանրապետությունում անասնապահության զարգացման խթանման ծրագրով (այսուհետ՝ Ծրագիր) ներկայացվում են անասնագլխաքանակի ավելացման շարժառիթով պայմանավորված անասնաբուծության մեթենայացմանը, անասնաշենքերի էլեկտրաֆիկացմանը, մշտական հոսող խմելու ջրով ապահովմանը, ինչպես նաև անասնաշենքերի մաքրությունն ապահովելու նպատակով հարմարությունների ստեղծմանն ուղղված իրականացվելիք միջոցառումները և ակնկալվող արդյունքները:

Սույն Ծրագրում օգտագործվող հիմնական հասկացություններն են՝

- 1) **անասնաշենք՝** անասուններ պահելու համար նախատեսված գետնափոր, կիսագետնափոր, վերգետնյա, ժայռափոր, քարե և (կամ) փայտե կառուց:

2) **գյուղաբնეրնեսական կենդանիների պահպածք'** մարդու հսկողության ներքո կենդանիների խնամքի միջոցառումների համալիր, որը ներառում է տեղաբաշխումը, կերակրումը, զոհիգիտենիկ պայմանների ստեղծումը, օրվա ռեժիմի պահպանումը.

3) **Էլեկտրաֆիկացում'** անասնաշենքերի էլեկտրաէներգիայով ապահովում.

4) **ջրաֆիկացում'** անասնաշենքերի՝ կենդանիների խմելու և սանհտարահիգիենիկ միշտաքանակացումը աղջատանքների իրականացման համար մշտական հոսող ջրով ապահովում.

5) **փակ պահպածք'** գյուղատնտեսական կենդանիներն ամբողջ տարվա ընթացքում անասնաշենքում և կից մեկուսացված տարածքում պահելը՝ բացառելով կենդանու տեղափոխումն արոտավայր:

## II. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ

1. Ներկայում անասնաբուծության զարգացմանը խոչընդոտող գործոնները հետևյալն են.

1) կերարտադրության ոչ բավարար մակարդակը և միակողմանի բնույթը.

2) գյուղատնտեսական կենդանու պահպածքի, բուծման և որակական բարելավման ժամանակակից տեխնոլոգիաներով ներդրման հնարավորությունների բացակայությունը.

3) խոշոր և մանր եղջերավոր կենդանիների ֆերմաների՝ մեկ հարթակի վրա կողը կողը լինելը (զոհիգիենիկ պահանջների համաձայն դրանք պետք է գտնվեն իրարից 150-200 մետր հեռավորություն վրա),

4) մատղաշի ստացման և աճեցման համար համապատասխան պայմանների բացակայությունը, ինչպես նաև նախրի վերարտադրության տեխնոլոգիական խախտումները.

5) նախրում անասնաբուծական և տոհմային հաշվառման ընդհատվածությունը.

6) կենդանիների թերկերակրման հետևանքով անհամաչափ մարմնակազմությամբ թերզարգացած կենդանիների առկայությունը.

7) կովերի արհեստական սերմնավորման չիրականացումը.

8) գյուղատնտեսական կենդանիների ոչ լիարժեք կերակրումը.

9) կովերի մեքենայական կթի բացակայությունը.

10) գյուղատնտեսական կենդանիների արոտային պահպածքի ժամկետի ոչ հիմնավորված երկարաձգումը.

11) տնտեսություններում անասնաբույժ սելեկցիոներ մասնագետի բացակայությունը:

2. Սույն Ծրագրի նպատակը Արցախի Հանրապետությունում նոր տեխնոլոգիաներով առկա անասնաշենքերի արդիականացումն է, առկա անասնաշենքերի ողջ պոտենցիալի լիարժեք օգտագործումը և, համակարգային մոտեցմամբ, մրցունակ և արդյունավետ անասնաբուծություն ունենալը, ինչն իր հերթին կնպաստի Արցախի Հանրապետության տնտեսական զարգացմանը:

3. Նշված նպատակին հասնելու համար անհրաժեշտ է լուծել հետևյալ խնդիրները՝

1) մեքենայացնել անսանապահությունը՝ բարձրացնելով աշխատանքի արտադրողականությունը.

2) նպաստել անասնաշենքերի պոտենցիալի լիարժեք օգտագործմանը.

3) նպաստել անասնապահական հումքի և նյութերի ուղիղությունը օգտագործմանը.

- 4) բարձրացնել անասնապահական արտադրանքի որակը.
- 5) ապահովել արտադրանքի ինքնարժեքի նվազեցումը.
- 6) ապահովել անասնաշենքերի էլեկտրաֆիկացումը և մշտական հոսող խմելու ջրի առկայությունը.

7)ստեղծել հարմարություններ անասնաշենքերում մաքրության ապահովման համար:

Անասնապահության խթանման զարգացման գործում առկա դժվարությունները հիմնականում պայմանավորված են անասնապահությամբ զբաղվող սուբյեկտների և գյուղացիական տնտեսությունների ֆինանսական սույլ հնարավորություններով, անասնապահության մեքենայացման միջոցների բարձր գներով, պետական աջակցության մատչելի մեխանիզմների բացակայությամբ և այլն:

### **III. ԾՐԱԳՐԻ ԻՐԱԿԱՆԱՑՄԱՆ ՈՒՂՂՎԱԾ ՄԻՋՈՑԱՌՈՒՄՆԵՐԸ**

4. Ծրագրի շրջանակներում իրականացված ուսումնասիրությունները ցույց են տվել, որ Արցախի Հանրապետությունում առկա անասնաշենքերը լիարժեք չեն օգտագործվում, հիմնականում էլեկտրաֆիկացված չեն, անասնաշենքերում աշխատանքներն իրականցվում են մարդակային ռեսուրսի հաշվին՝ ավելացնելով մարդկանց շփումը կենդանաբուծական մթերքների ստացմանը, անասնաշենքերն ապահովված չեն կենդանիների խմելու, ինչպես նաև անասնաշենքերի մաքրության և հարմարավետության համար մշտական հոսող ջրով:

5. Արցախի Հանրապետությունում անասնաշենքերի ուսումնասիրությունների արդյունքները ներկայացված են N 1 առյուսակում:

6. Անասնապահության մեջ ձեռքի ուժի մեքենայացված աշխատանքով փոխարինման, անասնապահական աշխատանքի ավելի արդյունավետ դարձման, անասնապահին ծանր, աշխատատար և հոգնեցուցիչ աշխատանքից ազատման համար 2018-2020 թվականների ընթացքում անհրաժեշտ է իրականացնել հետևյալ միջոցառումները՝

- 1) անասնաշենքերի էլեկտրաֆիկացում
  - ա. էլեկտրաֆիկացում էլեկտրագներով,
  - բ. էլեկտրաֆիկացում արևային էներգիայով,
  - գ. ենթակայանների ձեռքբերում և տեղադրում.
- 2) անասնաշենքերի ջրաֆիկացում՝ ջրագների անցկացում:

7. Սույն Ծրագրի շրջանակներում միջոցառումները կիրականացվեն այն շահառուների համար, որոնք տիրապետում են քսան և ավելի պայմանական գլուխ գյուղատնտեսական կենդանիների և անասնաբուծությունն իրականացնում են Արցախի Հանրապետության կառավարության 2018 թվականի մայիսի 21-ի N 391-Ն որոշմամբ հաստատված անասնաբուծությանը ներկայացվող պարտադիր պահանջներին համապատասխան:

8. Արցախի Հանրապետության գյուղատնտեսության նախարարությունը (այսուհետ՝ նախարարություն) համակարգում և վերահսկում է Ծրագրով նախատեսվող միջոցառումների իրականացման գործընթացը:

9. Հայտատուները նախարարության կողմից սահմանված ժամկետում նախարարություն են ներկայացնում հայտ՝ համաձայն ձևի՝ նշելով գործունեության

իրականացման վայրի, պայմանների ու պահպան անասնագլխաքանակի մասին տեղեկությունները:

10. Արցախի Հանրապետության գյուղատնտեսության նախարարի հրամանով նախարարություն դիմած հայտառուների ներկայացրած հայտերի ուսումնասիրման նպատակով ստեղծվում է հանձնաժողով:

11. Հանձնաժողովը հայտերի ներկայացման վերջնաժամկետից հետո տասնհինգօրյա ժամկետում սահմանված կարգով տեղում ստուգում է ներկայացված փաստաթղթերի հավաստիությունը, անասնաշենքերի էլեկտրաֆիկացման և ջրաֆիկացման հնարավորություններն ու պայմանները և տախս է եզրակացություն տվյալ տեղանքում Ծրագրի իրականացման արդյունավետության և նպատակահարամարության մասին:

12. Հանձնաժողովի տված դրական եզրակացության դեպքում նախարարությունը պետական բյուջեով այդ նպատակով նախատեսված միջոցներով՝

1) պատվիրում է անասնաշենքերի էլեկտրաֆիկացման և (կամ) ջրաֆիկացման աշխատանքների կատարման նախագծանախահաշվային փաստաթղթերը.

2) պատվիրված նախագծանախահաշվային փաստաթղթերը ենթարկում է փորձաքննության.

3) փորձաքննության ենթարկված նախագծանախահաշվային փաստաթղթերի հիման վրա լիցենզավորված իրավաբանական անձանց կամ անհատ ծեռնարկատերերի հետ կնքում է անասնաշենքերի էլեկտրաֆիկացման և (կամ) ջրաֆիկացման աշխատանքների իրականացման վերաբերյալ պայմանագրեր:

13. Սույն Ծրագրի ֆինանսավորումն իրականացվում է Արցախի Հանրապետության 2018, 2019 և 2020 թվականների պետական բյուջեի «Անասնապահության զարգացման խթանում» ծրագրով նախատեսված միջոցներով՝ հետևյալ ուղղություններով՝ համաձայն NN 2, 3 և 4 աղյուսակների:

#### **IV. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ**

14. Անասնապահությունն աստիճանաբար փոխադրվում է արդյունաբերական հիմքերի վրա: Անասնապահության զարգացման մեջ զգալի արդյունքների գործնականացումը հնարավոր է իրագործել միայն առաջադիմական տեխնոլոգիաների ներդրմամբ, անասնաշենքերում աշխատանքների հատուկ ինժեներական կազմակերպմամբ, գործընթացների տեխնոլոգիական զծերի համակարգային մեքենայացմամբ, որոնց համար խոչընդոտներ է ստեղծում էլեկտրաէներգիայի և ջրի բացակայությունը:

15. Սույն Ծրագրի իրականացման արդյունքում՝

1) նախադրյալներ կստեղծվեն նորագույն մեխանիզմների կիրառմամբ անասնապահության մեջ տնտեսավարողների եկամուտների ավելացման համար.

2) ծրագրի իրականացումը հնարավորություն կտա անասնաշենքերն ապահովել էլեկտրաէներգիայով և ջրով, ինչն իր հերթին նախադրյալներ կստեղծի մատչելի մեխանիզմների կիրառմամբ մեքենայացնել անասնապահությունը՝ ապահովելով առավել անվտագ սննդամթերքի արտադրություն.

3) անասնապահության մեքենայացման մակարդակի բարձրացմամբ՝ տնտեսապես կամրապնդվեն շահառու անասնապահական տնտեսությունները և պայմաններ

կստեղծվեն վերջիններիս կողմից ապրանքային արտադրության կազմակերպման և հետագա զարգացման համար.

4) գյուղատնտեսական կենդանիների փակ պահպաժքի ապահովմամբ կիասնենք անասնապահական մթերքների արտադրության շահավետ կազմակերպմանը, արտադրության ծավալի ավելացմանը, կենդանիների մթերատվության բարձրացմանը, նրանց անկորուստ վերարտադրության ապահովմանը.

5) Ծրագրի գործողության առաջին տարվա արդյունքներից ենելով հնարավորություն կստեղծվի ծևավորել առաջարկություններ՝ Ծրագրի ծավալների վերանայման՝ ավելացման ուղղությամբ:

16. Ծրագրի իրականացման արդյունքում 2018 թվականին իրականացվող ներդրումների հաշվին կիրականացվեն 7 կիլոմետր էլեկտրագძերի անցկացման աշխատանքներ, ծեռք կրերվեն և կտեղադրվեն 5 էլեկտրաենթակայաններ, 3 արևային էներգիայով սնուցվող ենթակայաններ, կանցակացվեն շուրջ 7,5 կիլոմետր ջրագձեր: Մշտական հոսող ջրով և էլեկտրաէներգիայով կապահովվեն 25 անասնաշենքեր և 2000 գլուխ գյուղատնտեսական կենդանիներ: Կգրանցվի անասնագլխաքանակի աճ՝ հասնելով 4000 գլխի: Որպես հավելյալ արդյունք, 2019 թվականին և հաջորդող տարիներին հավելյալ կարտադրվի նաև 1293,7 տոննա կաթ և 168,8 տոննա միս (կենդանի գանգվածով):

2019 թվականին իրականացվող ներդրումների հաշվին կիրականացվեն 17.83 կիլոմետր էլեկտրագձերի անցկացման աշխատանքներ, ծեռք կրերվեն և կտեղադրվեն 10 էլեկտրաենթակայաններ, 6 արևային էներգիայով սնուցվող ենթակայաններ, կանցկացվեն շուրջ 27 կիլոմետր ջրագձեր: Մշտական հոսող ջրով և էլեկտրաէներգիայով կապահովվեն 60 անասնաշենքեր և 5000 գլուխ գյուղատնտեսական կենդանիներ: Կգրանցվի անասնագլխաքանակի աճ՝ հասնելով 9000 գլխի: Որպես հավելյալ արդյունք, 2020 թվականին և հաջորդող տարիներին հավելյալ կարտադրվի նաև 2587,5 տոննա կաթ և 435.5 տոննա միս (կենդանի գանգվածով):

2020 թվականին իրականացվող ներդրումների հաշվին կիրականացվեն 17.83 կիլոմետր էլեկտրագձերի անցկացման աշխատանքներ, ծեռք կրերվեն և կտեղադրվեն 10 էլեկտրաենթակայաններ, 6 արևային էներգիայով սնուցվող ենթակայաններ, կանցկացվեն շուրջ 27 կիլոմետր ջրագձեր: Մշտական հոսող ջրով և էլեկտրաէներգիայով կապահովվեն 60 անասնաշենքեր և 5000 գլուխ գյուղատնտեսական կենդանիներ: Կգրանցվի անասնագլխաքանակի աճ՝ հասնելով 9000 գլխի: Որպես հավելյալ արդյունք, 2020 թվականին և հաջորդող տարիներին հավելյալ կարտադրվի նաև 2587,5 տոննա կաթ և 435.5 տոննա միս (կենդանի գանգվածով):

**ԱՐՑԱԽԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ  
ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ  
ԿԱՌԱՎԱՐՉՈՒԹՅԱՆ ՊԵՏ-ԱՇԽԱՏԱԿԱԶՄԻ  
ԴԵԿԱՎԱՐԻ ԱՌԱՋԻՆ ՏԵՂԱԿԱԼ**

**Ա. ԼԱԶԱՐՅԱՆ**

**ԱՐՑԱԽԻ ՀԱՆՐԱՊԵՏՈՒԹՅՈՒՆԻՒՄ ԱՆԱՍՆԱՇԵՆՔԵՐԻ  
ՈՒՍՈՒՄՆԱՍԻՐՈՒԹՅԱՆ ԱՐԴՅՈՒՆՔՆԵՐԸ**

**20-ից 500 գլուխ խոշոր եղջերավոր կենդանիներ փիրապելողների մասին**

<<	Գործունեության վայրը, շրջան	Ֆերմերների թիվը	Տնօրինվող գլխաքանակը	Է/Էներգիայի առկայություն		Զրի առկայու թյուն	
				առկա	չկա	առկա	չկա
1	Ասկերան	83	3955	37	46	53	30
2	Մարտունի	76	2606	45	31	42	34
3	Մարտակերպ	37	1578	18	19	18	19
4	Հաղորդա	66	2841	51	15	66	
5	Քաշաթաղ	118	4350	106	12	62	56
6	Շուշի	14	443	8	6	12	2
7	Շահումյան	19	1161	8	11	7	12
	<b>Ընդամենը</b>	<b>413</b>	<b>16934</b>	<b>273</b>	<b>140</b>	<b>260</b>	<b>153</b>

**50-ից 2000 գլուխ մանր եղջերավոր կենդանիներ փիրապելողների մասին**

<<	Գործունեության վայրը, շրջան	Ֆերմերների թիվը	Տնօրինվող գլխաքանակը	Է/Էներգիայի առկայություն		Զրի առկայու թյուն	
				առկա	չկա	առկա	չկա
1	Ասկերան	51	11524	34	17	44	7
2	Մարտունի	43	6082	20	23	24	19
3	Մարտակերպ	23	1606	8	15	8	15
4	Հաղորդա	16	3205	12	4	16	0
5	Քաշաթաղ	41	10673	29	12	19	22
6	Շուշի	2	201	2		2	
7	Շահումյան	1	55		1		1
	<b>Ընդամենը</b>	<b>177</b>	<b>33346</b>	<b>105</b>	<b>72</b>	<b>113</b>	<b>64</b>

**30-ից 300 գլուխ խոզեր փիրապելողների մասին**

<<	Գործունեության վայրը, շրջան	Ֆերմերների թիվը	Տնօրինվող գլխաքանակը	Է/Էներգիայի առկայություն		Զրի առկայու թյուն	
				առկա	չկա	առկա	չկա
1	Ասկերան	21	1137	13	8	16	5
2	Մարտունի	40	1910	25	15	18	22
3	Մարտակերպ	10	408	3	7	3	7
4	Հաղորդա	15	745	10	5		15
5	Քաշաթաղ	9	404	6	3	2	7
6	Շուշի	2	76	1	1	2	
7	Շահումյան						
	<b>Ընդամենը</b>	<b>97</b>	<b>4680</b>	<b>58</b>	<b>39</b>	<b>41</b>	<b>56</b>

**ԱՐՑԱԽԻ ՀԱՆՐԱՊԵՏՈՒԹՅՈՒՆԻՒՄ ԱՆԱՍՆԱՊԱՀՈՒԹՅԱՆ ԶԱՐԳԱՑՄԱՆ  
ԽԹԱՆՄԱՆ ԾՐԱԳՐԻ ԻՐԱԳՈՐԾՄԱՆ ՀԱՄԱՐ 2018 ԹՎԱԿԱՆԻՆ ՊԱՀԱՆՁՎՈՂ  
ՆԵՐԴՐՈՒՄՆԵՐԸ**

/հազ. դրամ/

<b>Հ/Հ</b>	<b>Ներդրումների նպատակը</b>	<b>Պահանջվող ֆինանսական միջոցների քանակը (ՀՀ դրամ)</b>
1.	Անասնաշենքերի էլեկտրաֆիկացում (եռաֆազ հոսանքով) էլեկտրագնդերով (1 կմ էլեկտրագնդի անցկացումը՝ 6 000 000 << դրամ)	42 000 000
2.	Ենթակայանների ծեղք բերում և տեղադրում (1 ենթակայանի հաշվարկով՝ 4 000 000 << դրամ)	20 000 000
3.	Ենթակայանների տեղադրման նպատակով երկաթբետոնե տակդիրների կառուցում	3 000 000
4.	Անասնաշենքերի էլեկտրաֆիկացում արևային էներգիայով (արևային էներգիայի համակարգի արժեքը՝ 5 000 000 << դրամ)	15 000 000
5.	Անասնաշենքերում անասուններին խմելու ջրով ապահովում (1 կմ ջրագնդի անցկացումը՝ 2 000 000 << դրամ)	15 000 000
6.	Նախագծանախահաշվային փաստաթղթերի պատվիրում	3 000 000
7.	Նախագծանախահաշվային փաստաթղթերի փորձաքննության	360 000
8.	Տեխնիկական հսկողություն	1 500 000
<b>ԸՆԴՀԱՆՈՒՐԸ</b>		<b>99 860 000</b>

**ԱՐՑԱԽԻ ՀԱՆՐԱՊԵՏՈՒԹՅՈՒՆԻՒՄ ԱՆԱՍՆԱՊԱՀՈՒԹՅԱՆ ԶԱՐԳԱՑՄԱՆ  
ԽԹԱՆՄԱՆ ԾՐԱԳՐԻ ԻՐԱԳՈՐԾՄԱՆ ՀԱՄԱՐ 2019 ԹՎԱԿԱՆԻՆ ՊԱՀԱՆՁՎՈՂ  
ՆԵՐԴՐՈՒՄՆԵՐԸ**

/հազ. Դրամ/

<b>Հ/Հ</b>	<b>Ներդրումների նպատակը</b>	<b>Պահանջվող ֆինանսական միջոցների քանակը (ՀՀ դրամ)</b>
1.	Անասնաշենքերի էլեկտրաֆիկացում (եռաֆազ հոսանքով) էլեկտրագնդերով (1 կմ էլեկտրագնդի անցկացումը՝ 6 000 000 ՀՀ դրամ)	106 980 000
2.	Ենթակայանների ծեղք բերում և տեղադրում (1 ենթակայանի հաշվարկով՝ 4 000 000 ՀՀ դրամ)	40 000 000
3.	Ենթակայանների տեղադրման նպատակով երկաթբետոնե տակդիրների կառուցում	6 000 000
4.	Անասնաշենքերի էլեկտրաֆիկացում արևային էներգիայով (արևային էներգիայի համակարգի արժեքը՝ 5 000 000 ՀՀ դրամ)	30 000 000
5.	Անասնաշենքերում անասուններին խմելու ջրով ապահովում (1 կմ ջրագնդի անցկացումը՝ 2 000 000 ՀՀ դրամ)	54 000 000
6.	Նախագծանախահաշվային փաստաթղթերի պատվիրում	7 879 200
7.	Նախագծանախահաշվային փաստաթղթերի փորձաքննության	945 504
8.	Տեխնիկական հսկողություն	3 939 600
<b>ԸՆԴՀԱՆՈՒՐԸ</b>		<b>249 744 300</b>

**ԱՐՑԱԽԻ ՀԱՆՐԱՊԵՏՈՒԹՅՈՒՆԻՄ ԱՆԱՍՆԱՊԱՀՈՒԹՅԱՆ ԶԱՐԳԱՑՄԱՆ  
ԽԹԱՆՄԱՆ ԾՐԱԳՐԻ ԻՐԱԳՈՐԾՄԱՆ ՀԱՄԱՐ 2020 ԹՎԱԿԱՆԻՆ ՊԱՀԱՆՁՎՈՂ  
ՆԵՐԴՐՈՒՄՆԵՐԸ**

/հազ. դրամ/

<b>&lt;/&lt;</b>	<b>Ներդրումների նպատակը</b>	<b>Պահանջվող ֆինանսական միջոցների քանակը (&lt;&lt; դրամ)</b>
1.	Անասնաշենքերի էլեկտրաֆիկացում (եռաֆազ հոսանքով) էլեկտրագներով (1 կմ էլեկտրագնիքի անցկացումը՝ 6 000 000 << դրամ)	106 980 000
2.	Ենթակայանների ծեղք բերում և տեղադրում (1 ենթակայանի հաշվարկով՝ 4 000 000 << դրամ)	40 000 000
3.	Ենթակայանների տեղադրման նպատակով երկաթբետոնե տակդիրների կառուցում	6 000 000
4.	Անասնաշենքերի էլեկտրաֆիկացում արևային էներգիայով (արևային էներգիայի համակարգի արժեքը՝ 5 000 000 << դրամ)	30 000 000
5.	Անասնաշենքերում անասուններին խմելու ջրով ապահովում (1 կմ ջրագնիքի անցկացումը՝ 2 000 000 << դրամ)	54 000 000
6.	Նախագծանախահաշվային փաստաթղթերի պատվիրում	7 879 200
7.	Նախագծանախահաշվային փաստաթղթերի փորձաքննության	945 504
8.	Տեխնիկական հսկողություն	3 939 600
<b>ԸՆԴՀԱՆՈՒՐԸ</b>		<b>249 744 300</b>

## **ՀԻՄՆԱՎՈՐՈՒՄ**

**«ԱՐՑԱԽԻ ՀԱՆՐԱՊԵՏՈՒԹՅՈՒՆԻՄ ԱՆԱՍՆԱՊԱՀՈՒԹՅԱՆ ԶԱՐԳԱՑՄԱՆ  
ԽԹԱՆՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ» ԱՐՑԱԽԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ**

### **Անհրաժեշտությունը**

«Արցախի Հանրապետությունում անասնապահության զարգացման խթանման ծրագիրը հաստատելու մասին» Արցախի Հանրապետության կառավարության որոշման նախագծի ներկայացումը պայմանավորված է Արցախի Հանրապետությունում առկա անասնաշենքերի նոր տեխնոլոգիաներով արդիականացնելու, անասնաշենքերի ողջ պոտենցիալը լիարժեք օգտագործելու և, համակարգային մոտեցմամբ, մրցունակ և արդյունավետ անասնաբուծություն ունենալու անհրաժեշտությամբ:

### **Ընթացիկ իրավիճակը և խնդիրները**

Իրականացված ուսումնասիրությունները ցույց են տվել, որ Արցախի Հանրապետությունում առկա անասնաշենքերը լիարժեք չեն օգտագործվում, իիմնականում էլեկտրաֆիկացված չեն, անասնաշենքերում աշխատանքներն իրականացվում են մարդակային ռեսուրսի հաշվին՝ ավելացնելով մարդկանց շփումը կենդանաբուծական մթերքների ստացմանը, անասնաշենքերն ապահովված չեն կենդանիների խմելու, ինչպես նաև անասնաշենքերի մաքրության և հարմարավետության համար մշտական հոսող ջրով:

### **Նպարակը և բնույթը**

«Արցախի Հանրապետությունում անասնապահության զարգացման խթանման ծրագիրը հաստատելու մասին» Արցախի Հանրապետության կառավարության որոշման նախագծի նպատակն է Արցախի Հանրապետությունում առկա անասնաշենքերի նոր տեխնոլոգիաներով արդիականացումը, անասնաշենքերի ողջ պոտենցիալի լիարժեք օգտագործումը և, համակարգային մոտեցմամբ, մրցունակ և արդյունավետ անասնաբուծություն ունենալը, ինչն իր հերթին կնպաստի Արցախի Հանրապետության տնտեսական զարգացմանը:

### **Ակնկայվող արդյունքը**

Արցախի Հանրապետության կառավարության սույն որոշման նախագծի ընդունման արդյունքում նախադրյալներ կստեղծվեն նորագույն մեխանիզմների կիրառմամբ անասնապահության մեջ տնտեսավարողների եկամուտների ավելացման համար, հնարավորություն կստեղծվի անասնաշենքերն ապահովել էլեկտրաէներգիայով և ջրով, ինչն իր հերթին նախադրյալներ կստեղծի մատչելի մեխանիզմների կիրառմամբ մեքենայացնել անասնապահություն՝ ապահովելով առավել անվտագ սննդամթերքի արտադրություն, տեսանելիորեն կամրապնդվեն շահառու անասնապահական տնտեսությունները և պայմաններ կստեղծվեն վերջիններիս կողմից ապրանքային արտադրության կազմակերպման և հետագա զարգացման համար, գյուղատնտեսական կենդանիների փակ պահպանը ապահովմամբ կհասնենք անասնապահական

մթերքների արտադրության շահավետ կազմակերպմանը, արտադրության ծավալի ավելացմանը, կենդանիների մթերատվության բարձրացմանը, նրանց անկորուստ վերարտադրության ապահովմանը:

### **Նախագծի մշակման գործընթացում ներգրավված անձինք**

Նախագիծը մշակվել է Արցախի Հանրապետության գյուղատնտեսության նախարարության աշխատակազմի անասնաբուժության և անասնաբուծության վարչության և իրավաբանական բաժնի կողմից:

### **Այլ գեղեկություններ**

«Արցախի Հանրապետությունում անասնապահության զարգացման խթանման ծրագիրը հաստատելու մասին» Արցախի Հանրապետության կառավարության որոշման նախագիծը սահմանված կարգով դրվել է հանրային քննարկման Արցախի Հանրապետության գյուղատնտեսության նախարարության պաշտոնական կայքէջում: Սահմանված ժամկետներում առաջարկություններ կամ դիտողություններ չեն ստացվել:

**ԱՀ ԳՅՈՒՂԱՏՆՏԵՍՈՒԹՅԱՆ  
ՆԱԽԱՐԱՐ**

**Ժ. ՄԻՐԶՈՅԱՆ**

## **SԵՂԵԿԱՆՔ**

**«ԱՐՑԱԽԻ ՀԱՆՐԱՊԵՏՈՒԹՅՈՒՆԻՒՄ ԱՆԱՍՆԱՊԱՀՈՒԹՅԱՆ ԶԱՐԳԱՑՄԱՆ  
ԽԹԱՆՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ» ԱՐՑԱԽԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ  
ԱՐՑԱԽԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԿԱՄ SԵՂԵԿԱՆ ԻՆՔՆԱԿԱՌԱՎԱՐՄԱՆ  
ՄԱՐՄԻՆՆԵՐԻ ԲՅՈՒՖԵՆԵՐՈՒՄ ԾԱԽՍԵՐԻ ԵՎ ԵԿԱՄՈՒՏՆԵՐԻ ԷԱԿԱՆ  
ԱՎԵԼԱՑՈՒՄՆԵՐԻ ԿԱՄ ՆՎԱԶԵՑՈՒՄՆԵՐԻ ՄԱՍԻՆ**

«Արցախի Հանրապետությունում անասնապահության զարգացման խթանման ծրագիրը հաստատելու մասին» Արցախի Հանրապետության կառավարության որոշման նախագծի ընդունման կապակցությամբ Արցախի Հանրապետության պետական կամ տեղական ինքնակառավարման մարմինների բյուջեներում ծախսերի և եկամուտների ավելացումներ կամ նվազեցումներ չեն նախատեսվում:

## **SԵՂԵԿԱՆՔ**

**«ԱՐՑԱԽԻ ՀԱՆՐԱՊԵՏՈՒԹՅՈՒՆԻՒՄ ԱՆԱՍՆԱՊԱՀՈՒԹՅԱՆ ԶԱՐԳԱՑՄԱՆ  
ԽԹԱՆՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ» ԱՐՑԱԽԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ  
ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՈՒԹՅԱՆ ԿԱՄ ԲԱՑԱԿԱՅՈՒԹՅԱՆ  
ՄԱՍԻՆ**

«Արցախի Հանրապետությունում անասնապահության զարգացման խթանման ծրագիրը հաստատելու մասին» Արցախի Հանրապետության կառավարության որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջացնում:

**ԱՀ ԳՅՈՒՂԱՏՆՏԵՍՈՒԹՅԱՆ  
ՆԱԽԱՐԱՐ**

**Ժ. ՄԻՐՋՈՅԱՆ**

**ԻՐԱՎԱԿԱՆ-ՓՈՐՁԱԳԻՏԱԿԱՆ ԵԶՐԱԿԱՑՈՒԹՅՈՒՆ  
«ԱՐՅԱԽԻ ՀԱՆՐԱՊԵՏՈՒԹՅՈՒՆՈՒՄ ԱՆԱՍՆԱՊԱՀՈՒԹՅԱՆ ԶԱՐԳԱՑՄԱՆ  
ԽԹԱՆՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ» ԱՐՅԱԽԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ**

«Արցախի Հանրապետությունում անասնապահության զարգացման խթանման ծրագիրը հաստատելու մասին» Արցախի Հանրապետության կառավարության որոշման նախագծի վերաբերյալ առաջարկություններ և դիտողություններ չկան:

**ԱՀ ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅԱՆ  
ԱՇԽԱՏԱԿԱԶՄԻ ԻՐԱՎԱԲԱՆԱԿԱՆ ԲԱԺՆԻ ՊԵՏ**

**Հ.ՀԱԿՈԲՅԱՆ**

**ԱՀ ԿԱՌԱՎԱՐՈՒԹՅԱՆ  
ՈՐՈՇՈՒՄՆԵՐԻ ԱՌԱՔՄԱՆ ԹԵՐԹԻԿ**

**Որոշման նախագծի անվանումը՝**

«Արցախի Հանրապետությունում անասնապահության զարգացման խթանման ծրագիրը հաստատելու մասին»

**Նախագիծը ներկայացնողը՝**

ԱՀ գյուղատնտեսության նախարարություն

**ԱՀ կառավարության որոշումն ուղարկել՝**

1. ԱՀ գյուղատնտեսության նախարարություն
2. ԱՀ արդարադատության նախարարություն
3. ԱՀ էկոնոմիկայի և արտադրական ենթակառուցվածքների նախարարություն
4. ԱՀ քաղաքաշինության նախարարություն
5. ԱՀ ֆինանսների նախարարություն
6. ԱՀ շրջանների վարչակազմեր

**Նախագիծը պադրասպողը՝**

Արցախի Հանրապետության գյուղատնտեսության նախարարության աշխատակազմի անասնաբուժության և անասնաբուժության վարչություն

**Ն. Մուսայեցյան**

(ստորագրությունը)

«\_\_\_» \_\_\_\_\_ 2018 թ.